

元季伏莽志

元季伏莽志卷之九

昭文周 昂少霞氏輯

盜臣傳

李思齊

張良河州弟良臣附

思齊字世賢汝寧羅山縣人至正十二年與李察罕同起義兵
襲破羅山朝廷授之為汝寧知府十七年二月思齊與察罕以
兵自號援陝西思齊授為四川行省右丞十八年正月思齊察
罕合兵于鳳翔是月詔察罕屯陝西思齊屯鳳翔四月思齊會
宣慰使張良弼等討李喜于鞏昌喜敗入蜀察罕駐清湫
思齊駐斜坡張良弼駐秦州郭擇善駐崇信拜帖木兒駐通渭

定佳駐臨洮各自除路府州縣官徵納軍需思齊同良弼謀殺
拜帖木兒分總其兵五月思齊又殺郭擇善擇善同僉
樞密院事二十一年正月思齊進兵平伏羗縣等處五月四川明玉珍陷嘉定等
路思齊遣兵擊之是月思齊受李武崔德等降九月四川賊兵
陷川東郡縣思齊調兵擊之十一月思齊與察罕遣兵圍鹿臺
即攻良弼詔和解之俾各還信地兵乃還二十二年詔思齊討
良弼平襄陽時兩軍仍不和故有是命二月知樞密院事禿堅
帖木兒奉詔諭思齊討四川時思齊退保鳳翔使至進兵益門
鎮使還復歸鳳翔三月思齊遣兵攻良弼至武功良弼以伏兵
大破之二十三年四月思齊與索羅互相交兵六月索羅方奉

詔討襄陽擴廓部將歹驢等駐兵藍田七盤思齊攻興平遂據
盤屋踴襲其後李羅遣竹貞等入陝西據其省治思齊受擴廓
命同輅高攻之竹貞出降二十五年正月癸亥元封思齊為許
國公三月皇太子下令于擴廓軍中以李羅襲據京師命擴廓
及陝西平章政事李思齊各統軍馬奮義恢復六月皇太子加
思齊銀青榮祿大夫郊國公中書平章政事皇太子詹事兼四
川行樞密院事二十六年二月擴廓還河南調度各處軍馬陝
西張良弼拒命思齊與脫列伯孔興等兵亦與良弼合初思齊
與察罕同起義師齒位相等及擴廓提其兵思齊心不平而良
弼首拒命孔興脫列伯亦皆以功自恃別為一軍莫肯統屬擴

廓乃遣閑保虎林亦攻良弼于鹿臺于是思齊亦與良弼合七月甲申詔以思齊為太尉是月擴廓遣閑保虎林亦合兵渡河會竹貞商嵩且約思齊以攻良弼良弼遣子弟質于思齊以求援思齊請詔和解之九月思齊兵下鹽井獲川賊余繼隆誅之禮部侍郎滿尚賓吏部侍郎掩萬剌哈自鳳翔還京師先是尚賓等持詔諭思齊開通川屬道路思齊方兵爭不奉詔留鳳翔一年至是始還二十七年正月思齊良弼脫列伯自會于含元殿基思齊為盟主同拒擴廓五月思齊遣良弼部將郭謙等守黃連寨閑保虎林亦引兵援其寨郭謙走會竊高等為變閑保等夜遁思齊速鮮而西六月思齊據長安與商嵩拒戰侯伯顏

達世進兵攻思齊秦州守將蕭公達降思齊思齊知關保等兵
退遣蔡林等破其營侯伯顏等奔潰七月思齊遣許國佐楊薛
飛會良弼脫列伯屯兵于華陰時朝命禿魯為陝西行省左丞
相思禪不悅遣部將鄭應祥守陝西而自還鳳翔八月詔命皇
太子親出總天下兵馬而分兵擴廓自潼關東肅清江淮思齊
自鳳翔西進取川蜀禿魯與良弼孔興脫列伯取襄樊十二月
詔禿魯總統良弼脫列伯孔興各枝軍馬以思齊為副總統禦
關中撫安軍民脫列伯孔興出潼關及取順德山路渡黃河合
勢東行共勤王事思齊等不奉命又詔分潼關以西屬思齊以
東屬擴廓各罷兵還鎮于是關保退屯潞州商嵩留屯潼關是

歲冬明帝以書諭思齊良弼書畧曰曩者元君失馭天下土崩
羣雄欲成伯功者甚衆然處非其地徒擾以傷民今十有七
年矣功業之建縣乎無聞邇者吾將軍傅友德守徐州師至中
溁獲王保、部將始知二公割據秦中而王氏亦已守之三分
其險數年之間民無一定之歸使人旁觀似無智者以吾料之
非智不足也患在曰循假元君之舊號決智不速而使民橫遭
塗炭耳區、雖昧于見聞然常與高明長者才能之士論討海
內形勢天運去留之幾頗知一二况人之常言天道所助者在
德地利可據者在險今百二山河二公割據不相上下必欲相
為犄角分富貴于其中恐可保其暫未可保其終也今吾不畏

二公之怒直詞相告二公當揣其福德威力足慰民望者推一人為尊撫定閩中以一民心擁精兵守要害虎視太行之東大河南北使君尊于上公卿將相各安于下家樂其業人全其生不亦可乎若乃各據一方以殺戮相高雖快志一時必有不測之禍脫有不虞身名俱滅此之屈節揣分尊朋友有德者為君已為公卿將相永保功名富貴其賢不肖豈不大相遠哉若吾以用兵爭強之事相告使二公彼此角立以決雌雄是秦民未有休息之日終非賢人君子知天運者之所為今以相爭相讓之事告二公者蓋欲休兵息民為二公之福不淺也二公當度之揣之其勢其德可尊者誰苟為不然螭蚌相爭漁者得利悔

將無及至正二十八年洪武元年也二月元詔削擴廓晉也命

思齊與禿魯討之是月明兵已至河南思齊良弼俱解兵西還乃

思次渭陽良次櫟陽三月明兵取河南思齊良弼會兵駐潼關

以拒既而明以火焚良弼營思齊退守葫蘆灘調部將張德欽

穆薛飛守關及明兵入潼關將萬餘年正月甲子夜思齊乃棄輜重走鳳翔良弼奔廊

城五月李克彝棄河南城奔陝西推思齊為提兵駐兵岐山是

月思齊部將虎林赤脫列伯張意據藍屋商高據武功李克彝

據岐山任從政據隴州七月思齊會李克彝商高張意脫列伯

于鳳翔思齊時以太尉守鳳翔總轄山外二十四州之地明帝

遣參參政孫希孟都府經歷王均美等與侍衛指揮毛驤張煥盟

為昆季飲生雞血酒為誓帝即鞭希孟均美鞭之遣賈勅往諭
思齊思齊不聽縛希孟等于陝西菜市副之閏七月元詔思齊
南出七盤金商圖復汴洛與擴廓等四道進兵思齊兵未出擴
廓已退守太原八月庚午明兵入元都洪武二年三月庚子徐
達師至鹿臺遂入奉元路癸卯常遇春馮宗異從陝西進取鳳
翔丙午思齊奔臨洮思齊提關陝秦隴之兵西至土蕃南至磧
頭關東至商雄北至環慶皆思齊主之精兵不下十餘萬副將
許國瑛穆薛飛守關中張良弼孔興脫列伯金牌張龍濟民李
景春等駐鹿臺以衛奉元及明兵入關良弼等先三日由野魚
口遁去于是思齊懼率所部亦西奔焉惟薛平章被遇春擒之

思齊遁至固關見萬木夾道遣人砍木截路以阻襲軍遇春令
軍士步者板崖踰嶺騎士斷木焚之四月至鞏昌土官汪雲真
保降丁丑達達宗異追思齊至臨洮土官平章趙脫兒挾思
齊降達令金吾衛指揮潘尋守之臨洮今騎士送思齊與而土官赴
京初明將在鳳翔議師所向諸將咸以張思道即良之才不如
思齊慶陽易于臨洮欲先由豳州取慶陽然後從隴西攻臨洮
達曰不然思道城險而兵悍未易猝拔臨洮之地西通蕃東北
界河湟我師取之其人足以備戰鬪其產足以供軍儲今以大
軍威之思齊不西走湖則束手就降矣臨洮既克則旁郡自下
遂移趨隴西下鞏昌矣思齊在鳳翔也明帝又以書諭之曰前

日遣使通問至今未還豈所使非人忤足下而留之歟抑元吏適至足下不能隱而殺之歟若然亦時勢之常大丈夫當磊落豈以嫌疑介意哉夫堅甲利兵深溝高壘必欲極力抗我軍不知意歟何為昔足下在秦中人以兵衆地險而從之雖有張思道專尚詐力孔興等自為保守擴廓帖木兒以兵出沒其間然皆非勍敵足下當時不能固秦旬王已失此機今中原全為我有向與足下相為犄角者皆披靡竄伏足下以孤軍相持徒傷物命終無所益厚德者豈為是哉朕知足下不守鳳翔則必深入沙漠以圖後舉足下初入其地披或面從然非我族類其心必異據其地不足以為資失其地適足以自損使兵威常

強尚云可也。倘中原相從之衆，以邊地荒涼，或不樂居，其心巨測。一旦變生，肘腋了然。孤弱妻孥，不能相保矣。且足下本汝南之英，祖宗墳墓所在，深思遠慮，獨不及此乎？誠能以信相許，去

夷就華，當以漢待賓，融之禮相報，否則非朕所知也。思齊見書

有降意，其養子趙琦與其麾下給之，與西入吐蕃。思齊信之，遂

俱奔臨洮。琦等思竊寶玉婦女，避匿山谷間。思齊窮蹙，舉臨洮

降琦等，亦來歸。

琦即趙脫兒也。世元土官狄道人氏。

五月乙卯，達并遣指揮曹

崇以所獲銀印一、白金五十兩、黃金百兩，送陝西行省。十月，明以思齊為江西行省左丞，不之官，食祿于京師。洪武三年，思齊從徐達破定西王保，還取興元。是冬，論功行賞，賜文綺及帛。

各二十四尺辛巳陞思齊為中書平章子孫世襲指揮僉事洪武七年八月明以思齊子李世昌為金吾衛指揮同知詔曰昔君天下者常有功而官有德聖人之心明焉歷代相承永為模範爾李世昌年雖未冠而授兵衛之職者何蓋為爾父遺時大亂能率眾以保關內是有以安而地闢及至胡人退諸雄有無知以漢人棄父母之邦遺邱隴從胡人復仇我中國者無所成惟爾父效竇融之事帥二萬騎及步兵之眾助朕成功至今關內之民時思之爾當習將之籌謀以待成人而備侮特授爾某官永為世襲爾懋哉九月戊辰思齊卒年五十二思齊子洪武六年從徐達征大同至代縣得疾而還寵夢備至時遣醫官療治

親幸其第視之尋賜新第一區官其子世昌為懷遠將軍同知
金吾衛指揮使司事甥鄭玉為武略將軍羽林衛鎮撫以慰其
心妾陳氏臨汝人也亦自經死年三十三事聞贈淑人諡以貞
烈合殯于上元縣之向邨帝親製文遣使以祭之文曰卿昔為
民中原時逢世亂猶能仗義施仁挺身奮臂率義旅以保閔中
臣元有年矣何元綱不振社稷陵替卿尚能固守臣節斬我行
人忠臣之義可謂盡矣然大厦將傾非一木可支未幾其君遁
去中原之地復我漢人朕遂為生民主當是時漢人棄邱隴從
胡為我中國仇讐至今身膏艸野骨委沙漠惟卿退守臨洮心
思父母之邦義忠族類是以全境保民助我成功今七年矣夫

何久疾不痊以致長往噫握兵一世又得善終亦人之所難卿能如是豈不美哉朕聞卿沒不勝痛悼今遣某官用牲醴致祭卿其享之洪武八年正月辛未于難籠山廟增祀功臣等百八人思齊與焉。別傳載思齊于洪武七年奉帝命往諭沙漠河南王、保、王則待之以禮留數日遣歸今騎士送至界上騎士辭思齊曰總共何有旨請留物以作遺念思齊曰我為公差遠來無以留贈騎士曰請留一臂思齊于是斷一臂與之還京而死

張良弼字思道陝西人從李世賢起義者初起兵時元授官宣慰使至正十八年四月同察罕李思齊討李喜于鞏昌喜、

敗入蜀良弼駐兵秦州後與思齊同謀繫殺拜帖木兒分領其
兵二十一年十一月察罕思齊遣兵圍鹿臺攻良弼詔和解之
二十二年朝廷以李張不和即詔思齊討良弼三月思齊兵至
武功良弼以伏兵大破之二十六年二月擴廓調度各處軍馬
良弼首拒命仍與思齊等兵合七月擴廓遣閏保虎林赤合兵
渡河會竹貞商嵩約思齊攻良弼良弼遣子弟質于思齊以求
援思齊請詔和解之二十七年正月良弼會思齊脫列伯于舍
元殿基推思齊為盟主同拒擴廓七月思齊遣良弼等屯兵于
華陰八月皇太子總天下兵馬命良弼與禿魯孔興脫列伯等
取襄樊十二月詔良弼等總統各枝軍馬合勢東行共勤王事

良弼等皆不奉命是歲十月丙辰明祖有書諭良弼書載思齊
傳二十八年二月元詔良弼等討擴廓會明兵至河南于是解
兵西還次于櫟陽三月明兵取河南火焚良弼營時良弼會思
齊兵于潼關俱奔鄜城思洪武三年思齊降明後良弼從慶陽
走寧夏使其弟良臣與平章姚暉守慶陽自與金牌張歸附擴
廓徐達既下平涼即謀取慶陽先遣湯和部將謝三往招之又
遣薛顯將兵赴慶陽良臣出降蒲伏道左迨暮良臣以兵劫其
營明師潰散薛顯被傷遁良臣驍勇善戰軍中呼為小平章以
慶陽城高險可據以兵守之其士卒亦皆精悍養子七人皆善
戰軍中語曰不怕金牌張惟怕七條鎗又倚其兄王保與：為聲

援賀宗韓札兒為羽翼。抵暉昌行之徒為爪牙。故復據慶陽以
叛。達恐其黨羽相為煽亂。先遣兵抄其出入之路。再駐師東原。
分遣諸將圍其城。良臣遣竹苛往寧夏求援。至環州被獲。七月
王保子部將韓札兒攻破原州。又陷涇州。欲來援慶陽。馮宗異
自驛馬關引兵擊之。札兒遁去。八月良弼遣右丞王讓等以白
壇衣與良臣為信。且言王保子已往永昌。俾以城降為戒。軍所
獲良臣教出戰不利。內外音問不通。糧餉乏絕。至煮人汁丸泥
噤之。抵暉等以城降。良臣父子俱殺。并引出斬之。良弼亦終于

王保子軍中

論曰元李璘起豫陝之間。招推張李。然其時逐利非有
撥亂反正之志也。其主既出。或降或寇。固其宜哉。

納哈出

納哈出本華裔孫也初官元萬戶至正乙未六月明兵克太平擒納哈出帝以其為世臣子孫侍之甚厚納哈出惟鬱：不樂帝遣降將黃傳察其去就傳見之即言帝所以待遇之意納哈出曰荷主公不殺誠難為報然我本北人終不能忘北傳以告帝：曰吾固知其心也謂達等曰納哈出元之世臣心在北歸今強留之非人情也不如遣之還達等謂其心難測舍之去恐遺後患不如殺之帝曰無故而殺之非義吾意已決姑遣之因召納哈出及降臣張御史謂之曰為人臣者各為其主況汝有父母妻子之思念遣歸仍從汝主于北厚贈之使還納哈出等辭謝而去洪武二年四月納哈出擁兵據遼陽為邊患明帝

間之遣使以書與元主曰朕聞自昔有國家者必知天命去留
之機審人事成敗之勢進可自有為退可以自保此理之必然
曩者君之祖宗起自北方奄有中土兵強事舉華夷咸服及君
嗣位之時中外猶安兵甲非不衆人材非不盛一旦多故天下
鼎沸處置乖方力莫能禦以致豪傑分爭生民塗炭朕本淮右
布衣不忍坐視因人心之所向遂仗義興兵群雄所據之地悉
為我有君亦知天命所在遜于沙漠朕師非不能盡力窮追以
君知時通變于心有所不忍近聞兵擾邊陲民罹鋒鏑豈君之
故將妄為生事耶抑君失算而使然耶若果不知自省而猶為
此舉則是不能識機度勢恐非君之福也朕今為君熟計當限

地沙漠修德順天效宋世南渡之後保守其方弗絕其祀母為
輕動自貽厥禍又以書諭納哈出曰將軍昔自江左辭還不通
者間十五年矣近聞戍守遼陽士馬強盛可謂有志之士甚為
之喜茲因使通元君道經營壘望令人送達所遣內臣至將軍
營即令其還書不多及三年五月帝又遣使以書諭納哈出曰
曩因天革元命四海鼎沸羣雄角逐塗炭生民朕以一旅之衆
從淮渡江姑孰之捷爾實在焉時朕未知天命所向無必取天
下之心凡遇元臣忠子所事者未嘗不憫其勞而惜其無成也
朕荷天地之靈將士一心旌旗所指靡不服從今天下已定南
極朱崖北際燕雲一時豪傑順天愛民悉來歸我獨河東渠帥

擁衆北奔比之閔中諸人稍為岷強然其順天受氏等笑之良
殆不若李思齊矣大將軍徐達未至吐蕃蜂屯蟻聚復來攻城
戰敗俘擒之餘有若孤犍故破竹之勢直指川蜀雲南六路使
者相望交趾占城萬里修貢高麗稱藩航海來庭于是盧龍戍
卒登萊浙東並海舟師咸欲奮迅一造遼瀋朕聞爾提其衆不
忍重擾特命使者告以朕意使還畧不得其要領豈以遼海之
遠我師不能至歟抑人謀不決故首鼠兩端歟不然必以曩時
來歸^未盡賓主之歡謂朕不能虛懷耶何相忘之深也昔竇融以
河西歸漢功居諸將之右朕獨不能為遼東故人留意乎茲遣
人再往從違彼此明白以告哲人知幾毋貽後悔四年六月特

選斷事官黃傳賈書瑜納哈出曰前者萬戶黃傳回聞將軍威
鎮遼左英資如是足以保定一方然既往不復君子豈不察歟
昔在趙宋君主天下立綱陳紀黎庶莫安逮至末年權綱解紐
故元太祖興于朔方世祖入主中國此皆天道非人力所能強
為也元之疆宇非不廣人民非不多甲兵非不衆城郭非不堅
一旦紅巾起于汝潁羣盜徧滿中原其間盜名字者凡數人小
明王稱帝于亳徐真一稱帝于蘄陳友諒稱帝于九江張九四
稱王于姑蘇明昇稱帝于西蜀彼四帝一王皆擁甲兵有二十
万者有二十五万者有十五万者有十万者相與割據中夏踰
二十年朕本淮民為羣雄所逼因聚衆禦亂遂渡江與將軍會

于太平比待他俘特加禮遇且知將軍為名家故縱北歸今又
十七年矣近年以來朕見群雄無成調兵四出北定中原南定
閩越東取方氏西收巴蜀四帝一王皆為我俘虜惟元昏君奔
北自止華夷悉定天下大安此天命非人力也賢人君子宜必
知之近聞將軍居金山大張威令吾兵亦守遼左與將軍旌旗
相望將軍若能遣使通舊日之問貢獻良馬姑容就彼順其水
草猶可自逞一方不然胡無百年之運大厦既傾非一木可支
繫之後先惟將軍自思之傳至金山納哈出拘不遣是月元平
章洪保、馬彥翬謀殺指揮同知劉益右丞張良佐等擒彥翬
殺之洪保、走納哈出營良佐以其事上聞帝諭中書省曰本

衛地方遼遠僻處海隅肘腋之間皆為敵境元平章高家奴固
守遼陽山寨知院哈刺張七駐瀋陽古城開元則有丞相也先
不花之兵金山則有太尉納哈出之衆互為聲援今洪保：逃
往其營必有攜兵之衆七年十一月納哈出引兵寇遼陽千戶
吳壽等擊走之八年十二月納哈出寇遼東都指揮使葉旺大
敗其兵當納哈出未寇遼東時帝先勅遼東都司曰今天寒冰
結虜必束斂入寇宜堅壁清野以待之慎勿與戰使其進無所
得退有後慮伏兵阻險扼其歸路虜可坐致也至是果入寇都
指揮使馬雲等探知納哈出將至命蓋州衛指揮吳立張良佐
房嵩等嚴兵城守虜至堅壁勿與戰及納哈出至見城中備禦

嚴不敢攻乃越蓋州城徑趨金州時金州城垣未完軍士寡少
指揮韋富王勝等聞虜至督勵士卒分守諸城門選精銳登城
以禦之納哈出裨將乃剌吾自恃驍勇率數百騎竟至城下批
戰城上發弩射之乃剌吾被傷悶絕遂獲之虜勢大沮富等復
縱兵出擊納哈出不利慮援兵且至引兵退走以蓋州有備不
敢經其城乃由城南十里外沿柞河遁歸都指揮葉旺策其將
退先移兵柞河自連雲島至窟駝寨十餘里緣河壅水為牆以
水淋之經宿皆凝洳隱然如城鐵釘板于沙中設陷馬奔于平
地伏兵以待之命老弱卷旗登兩山間戒以聞砲即豎旗馬雲
于城中亦立一大旂今定遼前衛指揮周鶚及吳立等各嚴兵

以候四顧寂若無人已而虜兵至旺等候其過城南砲發伏兵
四起兩山旌旗蔽空鼓聲雷動矢石雨下納哈出惶惶北奔趨
連雲島遇冰城馬不能前皆陷入雪中遂大潰雲于城中亦出
兵追擊至將軍山畢栗河斬俘虜人馬及凍死者甚衆旺等復
乘勝遂至猪兒峪獲士馬無算納哈出僅以身免旺等相慶曰
非主上明見萬里授以神筭何能有此旺遣人送乃剌吾至京
群臣請戮之帝不許命為鎮撫賜以妻妾田宅十一年六月遣
使賫詔往金山諭納哈出詔曰人生天地間能視天地變化之
机知時誠勢而不失者乃為傑丈夫古人有云活千人者其後
必封爵為元臣忠則忠矣何苦違天道昧人事而失德若是耶

昔者汝被擒于江東朕特縱爾歸北朕順人心而生全爾也大
抵人蹈患難者孰不欲脫患難而全其身當時爾在俘囚之中
果顧死乎生乎若以此心度之則必不敢肆其殘忍矣凡兩軍
之間有力不及汝者被爾拘囚之爾能以已之受患欲脫之心
推及俘囚爾必大昌福及後嗣矣爾乃不能以已心推之盡殺
勿顧如去年冬爾將兵寇我邊境回軍之日棄卒多矣朕皆生
全之未嘗輕殺一人曩者萬戶黃佛捧朕命而往豈傳之所願
哉實由朕命不得已也且其人嘗有恩于爾何期爾不思好生
惡死之情一旦殺之爾之患難為傳所生傳之身為爾所殺人
可欺天不可欺天心監爾禍將歸焉爾今與朕守邊將士旌旂

相望略較勝負彼此相當矢石之下罹害者衆然已往之事不
咎未來者可不思乎自今以往若能通一介之使雪前日之愆
朕亦不較不然必致生縛于此之特何面目以見朕諭至其審
思之十二月帝又詔諭元丞相哈剌章孛子兒驢并納哈出曰
自元有元多事羣臣有棄君親而自苟全者有抗朝命而自為者
目擊耳聞實非一人卿等獨奮忠仗義衛君深塞歲月如流倏
然十有一年今聞爾君因疾而奔在卿等可謂有終有始良臣
之名播矣或聞欲立新君其親王有三卿等正在猶豫之間此
三人皆元之嫡派卿等若款堅忠貞之意毋抑尊而扶卑理應
自長而至幼此乃人倫正天道順也款若有賢愚之別禮難備

拘從賢則吉夫當流離之際而為臣者猶能竭力為之不絕有
元之祀美聲盈人耳豈不難哉苟或不然尊卑賢愚置之弗論
但以立君為名而內自有專生殺之威則非人臣之道耳況同
類頑頑彼此疑猜當此之際卿等富貴如風中之燭命如草杪
之霜深可慮也十九年十二月帝諭宋國公馮勝曰納哈出據
金山數侵擾遼東宜于大寧諸邊隘分兵置衛以控制之二十
年正月癸丑命宋國公馮勝為征虜大將軍額國公傅友德永
昌侯藍玉為左右副將軍前軍都督商嵩參贊軍事率師二十
萬北伐帝諭之曰虜情詭詐未易得其虛實汝等慎無輕進且
駐師通州遣人覘其出沒虜若在慶州宜以輕騎掩其不備若

克慶州則以全師竟搏金山出其不意納哈出即可擒矣既而
仍遣乃剌吾北還以書諭納哈出及毛閭撒里達溫蠻子晃失
台和尚伯蘭等曰昔者天更元運華夏愈多朕自甲辰春親定
荆楚歸遣諸將東平吳越洪武初遂命中山武寧王開平忠武
王率甲士渡江越淮以定中原元君北奔深塞于是息民于華
夏諸夷附者莫不奠安今二十年矣惟爾納哈出等聚兵愈出
沒不常意者欲較勝負由是乃剌吾留而未遣今有年矣朕推
人心誰無父母之念夫婦之情故特命其生還以全骨肉之愛
且聞其善戰今遣北歸更益爾戰將他日再較勝負爾心以為
何如也嗚呼天之改物氣運變遷果人事之必然耶抑天道之

使然耶茲命儀禮司官前僉院雲子鎮撫張允恭送乃剌吾抵
爾所在使者未審可還乎餘不多及三月馮勝等師出松亭關
築大寧寬河會州富峪四城遂提兵駐大寧五月丙寅帝遣使
賁勅諭馮勝等曰往者納哈出棄金山巢穴營于新泰州去遼
陽千八百里朕計其難起營北行而猶慮詭謀竊發宜嚴為之
備庚午馮勝留兵五萬守大寧率大軍趨金山帝再勅馮勝等
乘機進取不可稽緩六月丁酉勝等進師金山至遼河東獲納
哈出屯卒三百餘人馬四十餘匹時乃剌吾還至松花河見
納哈出納哈出曰大驚吾謂汝死矣今日乃復得相見執手勞問殷
勤乃剌吾曰諭納哈出朝廷所以送還之意納哈出喜即遣其

左丞劉探馬赤察政張德裕隨使者張允泰等至勝軍獻馬欲
覘情形勝遣人送赴京師既而納哈出送乃刺吾至漠北虜主
欲殺之左右諫曰乃刺吾久被俘囚今復生還奈何殺之因得
免還納哈出所備以明帝撫息之恩語其衆：于是多有降意
癸卯師踰金山至女直苦屯納哈出部將全國公觀童來降丁
未遣副將藍玉至納哈出營降其衆初納哈出分兵為三營一
曰榆林深處一日蒼鶻莊一日龍安一先河輜重富饒蓄牧蕃
息虜主數招之不往及是大軍逼之計無所出乃刺吾因勸之
降納哈出猶豫未決適馮勝遣指揮馬某往諭之納哈出于是
遣使至大將軍營陽為納款而實現兵勢勝遂遣玉往一先河

受其降虜使見大將軍師威還報納哈出納哈出聞之乃指天
噴：嘆曰天不復與我有此衆乎遂率數百騎自詣玉約降玉
大喜出酒與之飲甚相歡納哈出曰酌酒酬玉：請之先納哈
出即飲泣復酌以授玉：解衣以衣之謂曰請服此而後飲納
哈出不肯服玉亦持酒不飲爭讓久之納哈出取其酒澆地顧
其下吐：語將脫去時鄭國公常茂在坐其麾下趙指揮者
解胡語以告茂：直前搏之納哈出驚起欲就馬茂拔刀砍之
傷臂不得去都督耿忠遂以衆擁之見勝納哈出所部妻子得
士凡十餘萬在松花河北間納哈出被傷遂驚潰餘衆欲來追
勝即遣觀童往諭之于是其衆亦降凡四萬餘并得其各營所

部二十餘萬人羊馬驢駝輜重亘百餘里納哈出有二姪不肯降勝復遣人諭之乃折弓矢擲于地亦來降勝以禮遇納哈出復加慰諭令耿忠與同寢食遣使奏捷于京仍奏常茂驚潰虜衆遂班師悉以納哈出將卒妻子及輜重南行都督濮等將騎兵三千為殿七月戊辰帝賜納哈出玉帶一金飾香帶一白金一千兩文綺帛各四十疋鈔一千貫又以素金帶百花素銀帶七百紗帽八百賜其得那木罕等及銀鈔各有差仍遣使賞鈔三十萬錠織金文綺三千疋送赴燕府以備賞賜納降部衆丁酉癸丑失利八克與雲安王蠻吉兒的郡王桑哥失里和尚國公等皆納哈出部將亦來降馮勝遣人送至京乃遣定遠侯王

頒發定遠等衛官軍往迎降將家屬于信州道為虜所襲亡馬
七百餘匹信州即納哈出所屯一禿河也八月庚戌遣指揮李
隆往賜納哈出文綺帛各十疋白金二百五十兩衣一襲賜其
妻衣錢線靴全國公觀童宗王先童司徒完者不花撒里撻溫
院使佛家奴知院阿勒帖木兒同知囊加思平章晃失台院判
察罕帖木兒泰政徹里帖木兒並賜文綺帛各一疋白金二十
五兩乙卯帝命耿忠于永平撫安降附達、酋長軍士及給賜
納哈出妻子米五百石達、將軍士男女四万四千一百七十
九人布一十七万六千七百一十七疋綿袄二万七千五百五
十二領皮裘五千三百五十三領冬衣皮色絹衣三万二千二

百四十餘襲丁丑勝等以納哈出所部官屬將三千三百餘人
馬二百九十餘疋金銀銅印一百顆金銀虎符及牌面一百二
十五事王九國公郡王四太尉國公五行省丞相一司徒平章
十三右丞左丞三十一叅知三十二各院使同知樞密八
十一僉院判二百八十院副使五宣諭使副使僉事一百八
十九万户千戶路府州總管同知等官九百二十七尚書叅議
二承旨學士十文學司馬七大卿司卿少卿十八衛帥府僉事
三郎中員外十五王府官六蒙古宗人衛副使一客省大使二
十六廉訪使副使運司使副六衛帥府使一治書安撫司農各
一大少監理問斷事部郎中主事兵馬指揮府衛鎮撫崇福使

司副經歷部事太醫院官及州縣等官二百二十二將一千四
百餘人送至京師上表賀曰三苗逆命大禹有征征之師殲
侵陵宣王有北伐之舉屬妖氛之汎掃致醜虜之來歸喜溢臣
民歡騰遠邇通臣勝等切惟納哈出以殫喪之遺孽亡國之賤俘
負天地生全之恩懷虎狼貪殘之性殺僇我信使寇竊我邊陲
上違逆于天心下阻遏于聲教除殘去暴爰興問罪之師按節
臨戎謬忝提師之寄得佐效忠而致力士卒奮勇以爭先軍威
遠震于虜庭義氣橫飛于瀚海兵有不戰之勝敵無交刃之虞
其納哈出即詣軍門納款輸誠格心向化其餘軍民人等咸加
撫諭各遂生全同沾化育之恩永絕腥羶之穢是皆皇帝陛下

神謀運于宥密，睿發乎先幾，故能豫制于万全，是以成功于
莫測。臣等仰遵成筭，祇奉天威，獲殫犬馬之驅馳，少盡涓埃之
報答。萬方胥慶，覩日月之光華，率歸心樂乾坤之覆載。九月戊
寅朔，納吟出至京，入見帝，撫慰甚至，賜以一品服，封為海西侯。
誥曰：自古哲人明去就之机者，必仰觀天道，俛察人情，審勢定
謀，知天命之不可違，事機之不可失，乃決去就焉。所以事無輕
舉，動獲萬全。由是享富貴于悠久，延祿位于無窮。以其所見者
明，所察者精，故也。朕荷天命，統一華夏，于今二十年矣。海內海
外九夷八蠻，莫不革心向化。惟故元播遷塞外，日就漸盡。爾納
吟出知天命之有在一心，奉天相率來歸，生全多命。今特命爾

為推誠輔運欽承効力輔臣治國海西侯食祿二千石及爾子
孫後世以報推誠之義爾其一乃心固初志與國同休敬哉毋
怠其所部官屬悉賜衣服官帶有差第其高下授以指揮千百
戶俾各食其祿而不任事分隸雲南兩廣福建各都司以處之
帝以納哈出之降乃剌吾與有力焉陞授千戶仍賜以金帛庚
辰納哈出上表謝恩獻馬三百八疋壬午賜納哈出織金文綺
冬衣各一襲丁亥又賜羊十羴酒百尊己巳賜納哈出等三百
一十八人白金二萬三千八百四十兩文綺帛二千九十四疋
鈔一万二千九百六十九錠丙申賜納哈出都將二百餘人衣
鈔鞞襪丙寅命納哈出祿米二十石以江西公田給之二十一

年七月辛丑納哈出卒納哈出性嗜燒酒飲常過度當盛夏時
每以水沃身因得疾帝命醫療之而愈常戒其飲至是從傅友
德往征雲南飲酒如初行至武昌疾復作卒于舟中帝聞而憫
之詔歸其柩于京師葬都城南門外八月命其子察罕襲爵改
封潘陽侯二十六年潘陽侯坐藍玉黨伏誅

陳友定

論曰納哈出比王保子似稱侯矣然其明升取過而其主相之而不修非欲植黨以自保耶臣竊疑之

友定一名有定字安國福建福州福清縣人後徙汀之清流為
清流明溪人世業農為人沉勇喜游俠幼孤傭于楠州富室羅
氏時病頭瘡然其狀甚魁偉有智略即採樵為戲輒設隊伍羅
翁奇之得以為婿其妻不悅呼為瘡頭即因失歡而潛出宿于

鄰人王氏之門其家夢虎踞門得友定大異之乞于羅翁妻以
女伴習商販輒耗其資壬辰兵起所在騷動汀州府判蔡公安
至清流募民兵友定以壯士見公安與語奇之令統所集民兵
署為黃土寨巡簡於是寧化曹柳順擁眾數萬據曹坊其黨八
十餘人突至明溪索馬眾莫敢拒友定酒半酣與眾勇士約而
盡殺之柳順怒率步騎千餘將屠明溪友定發老弱登寨誓其
侶賴正孫：通胡端等五百人乘柳順營自馳擊之斬獲無
算追屠曹坊擒柳順以歸其省官咸器之從福建僉都元帥吳
按灘不花討汀延邵建諸山寨以功授清流縣主簿尋陞縣尹
鄰寇數十皆所削平陞延平路總管

吳按灘不花得衆人歡中
寇破邵武募義兵克復之

授福建行
省本政

至正戊戌五月陳友諒遣康泰趙琮鄧克明等以兵

隔邵武路十行省乃授友定汀州路總管以禦之戰于黃土獲

其將鄧益克明遁去遂拜友定行省參政十一月癸卯克明又

進兵圍清流友定駐兵于平安寨間道夜襲大敗之追至寧化

而返結嶺關寨及南北寨守之是年四月守漳州右丞羅良

遣僚佐由海道運糧抵遼東以給行在軍詔授光祿大夫封晉

國公仍守漳州良遂設南詔屯田萬戶府辛丑鄧克明復轉掠

永豐寧都石城汀州寧化等縣遂陷寧昌破杉關掠老澤道順

昌以攻建寧西北立數十砦以鐵礮火箭雲車机弩攻突不少

息凡十有八旬城中食且盡平章完者帖木兒謂非陳總管不

可解八月友定奉檄偕行馳數十騎突圍入城衆喑呼曰陳提
管來吾屬生矣友定叱守將阮德柔開北門焚檄攬山砦還奪
水南砦敗之于菱角塘萬安州賊踐溺者千餘人孫通等尋復
建陽崇安浦城諸縣友定尋復邵武邵武縣賊散走輒遮殺之度
三閩以適按撫使李國鳳上其功第一陞福建行省泰和政事
壬寅五月友定自延平南引兵水陸並進一由順昌出將樂一
泝延平溪而上清流會攻汀州克其城既復汀州遂有據福建
之志咸迎平章燕只不花所收郡縣倉庫悉入為家貲收官僚
子女為臣妾有不從者必行誅竄威鎮閩中甲辰又置分省于
延平以友定為平章于是閩中八郡皆其所守至正十六年復

置福建行中書省十七年改建寧路總管府二十二年立建寧
分省十八年立泉州分省二十二年西域耶兀那納等竄泉州
披之二十六年為友定所取于是福建諸路及廣東潮州並入
焉乙巳二月己丑朔友定侵廣州明叅政胡深往援友定聞深
至遁去深追至浦城擊敗守將岳元帥遂下浦城四月己丑朔
胡深攻克建寧之松溪獲友定守將張子玉而還五月胡深言
近克松溪獲張子玉餘衆敗奔崇安請發廣信撫州建昌三路
兵并攻之因規取八閩明祖曰子玉驍將今為我擒彼必喪胆
乘勢攻之必無不克命指揮朱亮祖由鉛山建昌左丞王溥由
杉關會深進兵六月壬子朱亮祖等克崇安進攻建寧叅軍胡

深被執殺之友定將阮德柔嬰城固守亮祖欲攻之深視氛侵不利亮祖迫深使進德柔兵屯錦江逼深陣後亮祖督戰益急深不獲已進擊之破其二柵友定率牙將賴正孫等二千餘人突與深戰德柔逆兵夾攻深馬蹶被執友定頗寬遇之深具道明帝威德并陳天命所在援竇融歸漢事以撼之友定笑曰已既被執而且誘人不忠何耶時帝以良馬金幣贖深會元使至督逼之遂殺深及明使丙午友定平興化泉州二路興化林珙與惠安陳同柳栢順仇殺引番阿那巫及亦思巴奚兵攻劫累年時栢順據興化行省檄友定討捕番寇遂擁兵南下四月阿那巫黨白脾馬合謀金阿里等攻興化迎真門友定之子宗海

已領兵夜入城中明日開西南二門縱兵而出白牌等見城門驟開已疑及見兵出旗服鮮明步伐整肅益恐亦思巴奚所恃者弓箭刀牌宗海兵直前搏執之亦思大敗僵屍數千追擒白牌等殺之餘衆奔潰所在農民以鋤鋌擊殺惟逸四騎去是日友定即至撫集軍民完復路治聲勢赫然柏順在城中聽令而同與瑛皆歛兵奉約束先是泉州賽甫丁據福州路戰敗餘衆航海還據泉州故有阿那巫之亂友定命宗海督柏順及同等兵合瑛水軍並攻泉州友定自以師繼之五月克泉州擒阿那巫等至是興泉二郡始免亦思之禍八月戊寅以李國鳳為中書左丞友定為福建行省平章政事于是大脩城池繕完守備

分遣諸將各守郡縣九月友定隔漳州路長汀人羅良授漳州

總管與友定素有隙九月友定使至漳良獨不為下以書責友

曰友定在漳州時

定友定大怒益發兵攻之良使三千人操強弓毒矢伏江東以

待之戒有警勿輕移一夜友定以兵千餘人攻海倉寨揚言奪

海舟乘潮直下千夫長張右古等違良節制悉兵赴之友定兵

遂渡柳營江士卒驚潰良迎戰于馬岐山敗績遂圍城環攻旬

月良誓死以守城中矢石俱盡良常誅百大長盧清其子善微

在幕下延友定入城良與巷戰死之友定遂據漳州以其地勢

分提制軍事理問張某改築東北三面視其基亦千餘丈獨南面仍舊河三百五

完固乃鑿山以洩之而縮城之西北凡平閩諸寨三百餘奄有

十九文

潮州以行省郎中王翰德望素著表授潮州總管兼督循梅惠

等州

至新鹿州人

洪武中以存被徵自武

中元七屏居時友定得良書大

見書略云足下為泰政國之大臣也汀州之復乃其職耳可以

功而自恣乎燕六平章足下之僚長也可以威而迫之乎夫非

其君命而得郡邑者人皆得而誅之矣今郡邑之長君命也

固不可以加僂百司之職君役也固不可以加竄足下破郡邑

為家資驅官僚為臣妾口雖言為國心寔私圖耳跬步之際真

偽甚明不知足下將為郭子儀乎將為曹孟德乎太憤十二月

阮惠柔遣使納款于明

祖詔以原官守郡德柔卒即為友定

所并丁未五月戊寅以空名宣勅遣付福建行省命平章政事

曲出友定同驗有功者給之友定據全閩八郡之政皆用其私

人以控制之朝廷命官不得有所與嘗由福清平海上烏尾賊
海上人立碑頌之遂于建陽因閩越王大潭城址增築之以脩
明兵時閩入貢大都道路阻絕癸未福建行宣政院遣貢舶以
廢寺錢糧由海道抵登萊其得達者什之三四元主嘉之甲申
諸將言于明祖曰友定竊據閩中擅作威福宜乘勢取之明祖
曰吾方致力姑蘇而張氏降卒新附未可輕舉友定據閩已久
積糧負險以逸待勞我師深入主客勢乖萬一不利進退兩難
兵法貴知己知彼徐而取之未晚也九月朱亮祖討方國珍國
珍求援于友定友定恨其部下悞殺海戍不之援十月明祖命
胡廷瑞為征南將軍何文輝副之戴德從征取福建十二月丁

已明兵渡杉關取邵武路時邵武建寧延平福州興化泉州汀
潮諸路皆友定所據廷瑞師攻杉關賴政為指揮戰不利退保
汀州廷瑞遣沈友仁費子賢葉勝畧光澤下之至邵武守將李
宗茂降至建陽守將曹復疇降留沈友仁守其城戊午明命湯
和廖永忠吳禎等帥舟師自明州海道以取福州己未廣信衛
指揮沐英破分水關略崇安縣克之帝問平閩諸將于章溢即
日詔李文忠出師從浦城取建寧以溢子存道率鄉兵從之文
忠率部將繆美鎮撫譚濟等兵三萬攻浦城友定守禦偏將胡
瑀豪悍多力屢出死戰美濟兵俱不利文忠復遣萬戶武德兵
挑戰瑀不為意閉關酣酒而臥繆美武德乘夜斫關入瑀醉

起手及數十人時大寒血凝又遂敗死進攻邵益銅缸山寨文
忠不敢輕進屯浦城待海師消息友定大驚自率兵至延平復
遣兵至邵武建寧庚午明兵由海道取福州守臣曲出遁行宣
政院使朵耳死之初友定環福州城外皆築壘為備每五十步
更築一臺嚴兵守之聞明師入杉關乃留賴正孫謝英輔鄧益
以衆二萬守福州自率精兵守延平以拒和等舟師自明州乘
東北風竟抵福州之五虎門駐師南臺河口遣人入城招諭為
曲出所殺明師登岼將圍城曲出：南門遂戰指揮謝得成等
擊敗之是夜泰政素仁遣人納款明師于臺上蟻附登城遂開
南門湯和擁兵入鄧益拒戰于水部門擊殺之正孫英輔自西

門出走延平曲出等皆懷印綬挈妻子遁去泰政尹克仁赴水
死行宣政院使朵耳麻不屈下獄死倉樞密院柏鐵木兒居侯
官積薪樓下縱火焚其妻女遂自刎和遣素仁暨員外余善招
諭興化漳泉諸路分兵徇福寧等州縣未附者先是和等率舟
師由明州海道擒殺把海指揮孫通嚴程秉虛而下不數日掩
至福州城下圍西南水部三門戊申即洪武元年五月泰政素
仁遣宣諭使閔住至興化諭降友定所設府判徐昇及元帥王
思義葉萬戶等密謀殺閔住及經歷鄭元明盡取豐盈庫銀帛
驅其兵走泉州耆民李子誠吳彌明等首唱迎降之說往福州
全城歸附壬午胡廷美師至建寧守將達里麻與泰政陳子琦

謀曰明兵自入杉關其鋒不可當今城中軍士不下萬餘儲蓄
尚富可以拒守彼攻不免必將自退因而乘之或可以得志廷
美等數與挑戰固守不出明師攻圍益急達里麻不能支夜潛
至副將軍何文輝悉納款壬辰廷美整軍入城執子琦送京師
明帝遣使招諭友定友定乃大會諸將殺使者置其血于酒甕
中慷慨飲之誓眾死守湯和師至延平隔水而陣分一軍渡水
攻其西門友定謀于眾曰彼兵方銳不如持久以困之伺間而
動必有可勝遂嚴初軍士巡城晝夜不少息諸將請出戰友定
不許數請不已友定乃疑其部將蕭院判劉守仁有二心即收
其兵柄殺蕭院判守仁知事急出奔士卒多踰城夜遁圍城凡

十日友定閉門堅守湯和奉命招之降友定力拒之曰我為元
守土官可以土地易富貴耶子宗海叩諫不聽及城中軍器局
失火砲聲亂發明師疑其內叛遂併力攻城徐大興攻東北廖
永忠攻西南鼓譟甚迫友定見勢窮威又聞李文忠胡廷瑞兵
亦逼近乃與謝英輔文珠海牙訣曰大事已去吾無以報國家
惟有死耳公等宜自勉固退于省堂按劍仰藥飲之連魯花赤
曰哈麻其服北望拜泣與英輔皆自經死賴正孫等夜開門出
降黎明：師入城友定氣未絕遂舁之出水東門外值大雷雨
復甦械繫送京師以唐鐸知府事宗海聞父兵敗自將衆來降
并執之友定至京見帝：詰之曰元綱不振海內土崩天命更

革豈人力所能為爾竊據偏方負固逆命害吾參軍殺吾使者
陸梁弗服欲何為哉友定對曰事敗身亡惟有死耳尚何言遂
帝猶欲釋之授以原官曰不降伏銅馬刑也友定伏之死初
胡深入閭為友定所害至是帝命深子楨燬其肉以祭深并殺
宗海。友定被執作詩云失勢非人事重圍戰似林乾坤今已
老不尤舊臣心論曰友定自復汀州即有竊據福建之志迨收倉庫臣妻官僚
予女是何心哉宗海聞父被執見其時死明祖并誅之惜哉

逆黨傳

賴正保

正孫與友定今起事者先與胡靖等五百人破曹柳順明將胡
深攻建寧友定率正孫等將兵二千突與深戰深馬蹶被執正

孫復為友定同僉友定命守福州既而明師破福州與謝英輔
開西門出先明師破延平正孫出降

陳子琦

子琦友定偽秦政胡廷美師至建寧守將全僉達里麻納款于
明副將軍何文輝營廷美整軍入城執子琦送京師

金子隆 馮谷保

二人皆友定偽將友定既敗二人糾合清流寧化散卒陷將樂
殺知縣馬源主簿蘇燕善秉勝冠延平攻四鶴門指揮羅得聚
千戶李申擊却之復與官軍戰于城南橋指揮蔡玉奮擊大破
其眾追至沙縣之青雲寨子隆等負險固守沐英遣兵夾攻破

撫谷保七月李文忠攻破清流寧化諸山寨獲子隆及其黨閩地悉平

阮德柔

德柔友定偽將為友定守建寧鄧克明攻建寧友定來援全德柔開城北門焚橄欖山砦還奪水南砦敗之于菱角塘胡深攻建寧德柔屯兵錦江逼深陣後執之至丙午十二月納款于明

表忠
小諒傳

白哈麻

白哈麻官達魯花赤明師破福建友定已仰藥飲之哈麻具服北拜泣遂自經死

伍宗堯

宗堯清流人盜起邑人推宗堯為長庚子鄧克明來侵宗堯與其子四人率兵決戰皆死

陳瑞孫

瑞孫福寧州人為福建宣慰使出鎮福清州拒友定被執憤罵友定殺之妻及幼女皆投井死

孔楷

楷元樂安令以兵拒友定被殺

詹翰

翰建陽人保障一鄉不從友定遂被害

獲獨步丁

步丁廣東廉訪使僉事閑居寓福州賊以石繫其臂投井死

呂復

復江西行省左右司都事命攝長樂縣尹賊至引絕自經死

韓準

準官侍御史請老未報藉藁堂下以喪禮自處吏來追其宣敕
準取而枕之持屬奴向吏曰必欲之并取吾首去乃已後病不飲
藥而卒

送里彌實

彌實漳州達魯花赤也湯和傳檄至漳州招諭彌實之從容詣廳

事具公服北面再引斧斫其印文大書手板曰大元臣子即入位端坐拔佩刀刺喉中以死既死猶手執刀按膝儼如生

小諒傳

謝英輔

英輔友定偽副樞也與賴正孫全守福州城破後與正孫自西門出走自經死

陳八

八福清秦軍明破關後八棄官不仕藏友定像于家友定長身巨目狀貌偉然其家世祀之

高蹈傳

藍光

光江西人官行省都事時八郡騷擾陳參政方事興復光提藩
幕獨寒：特正偶一言不合遂拂衣而退曰吾豈貪祿者哉明
兵下全閩光深衣幅巾隱居教授越三十二年卒

王翰

翰字用文靈武人先世齊人隔于元吳元初從下江淮授領兵
千戶賜姓唐兀氏鎮廬州家焉翰襲爵仕名那木罕年十六領
所部有能名除廬州府治中陞同知又陞理問官理永福羅源
二縣拒泉州土師抑莽四境又安撫福建江西行省郎中友定
留居幕府每有匡益教而憚之表授潮州路總管兼督循德惠

三州友定敗浮海抵交趾界隱居永福縣東之觀獵山屏跡為
黃冠服十年辟書再至語其家人曰吾所以不死者為無後也
今有三男子得元所失長子偁才九歲屬其友人吳海賦詩見
志遂自引決以洪武戊午之二月也年四十有六偁仕永樂中
為名臣以遺元字朝海宗廟其廟曰間遇學者稱為間遇夫子元亡
隱居不出卒于洪武末年為文但書甲子為翰墨誌書其歿之
歲曰著雍敦牂以自寓云

鄭定

定字孟宣閩縣人善擊劍工古篆行書友定辟為記室友定敗
浮海亡交廣間久之還居長樂高帝末年徵授延平訓導歷齊

府紀善國子助教

論曰友直之權詞也表忠有人小諫有人高臨有人即其私人
亦鮮有尤校者僻黨一方其地邪其人邪不死舊臣心為其
主者蓋有以率之矣

何真

真字邦佐廣東莞人世居東莞之員岡至真始遷惠州生八
歲而孤母某氏守志不奪少英偉好書劍至正中仕為河源務
副使淡水鹽場管局中原兵起嶺海騷動棄官歸鄉里慨然以
生民為念乙未歲邑民王成陳仲玉構亂真請于行省舉義兵
除之真躬擐甲胄往擒仲玉以歸成築砦自守真使其弟迪同
驍將黃從簡高彬等頌其圖之募人能縛成者鈔十千不幾成
奴縛也以獻真釋之引坐笑謂曰公柰何養虎遺患成掩面慙
謝曰始以為猫孰知其虎奴求賞真如數與之使人具湯餼烹
奴駕轉輪車數人推之使就于衆曰四境毋如奴縛主以罹此

刑也又使數人鳴鉦督奴妻嘔火奴一號則羣應之曰四境有
如奴縛主者視此于是人服其賞罰有章以為光武待蒼頭子
密不能及也競趨歸之行省上其功惠州人王仲剛者與叛將
黃常據惠貪暴肆欲民不堪命眾慕真義迎以守惠遂解惠州
之圍遂常戮仲剛併有惠循二州行省又上其功授惠州判尋
陞同知既而又陞廣東宣慰司都元帥守惠州會南海三山民
邵宗愚為亂陷廣州殺守將何深大肆焚掠真率眾攻復之號
令嚴肅廣人大悅擢廣東行省叅知政事進江西行中書省左
丞階資善大夫分省治廣第廸以從征功擢中奉大夫廣東道
宣慰使都元帥兼僉樞密院事推恩封其二代皆廬江郡公未

幾合江西福建為一省改拜資德大夫江西福建行中書省左
丞仍治廣州乙巳九月宗愚挾廉訪副使廣寧等叛圍廣真集
之踰十月部將與賊通絕糧道真出避城陷丁未五月真率惠
州部曲至廣民響應復克之宗愚退走誘右丞鐵里迷失以歸
戊午制授真榮祿大夫自左丞陞右丞真保障廣南或陳符瑞
勸為尉陀計者即逮而僇之示無二心二月壬寅朔明命廖永
忠為征南將軍率舟師取廣東時永忠在福州先遣使以書諭
真曰元君失馭天下土崩豪傑之士乘時而起或假元之號令
或自擅其兵威暴征橫斂蠶食一方生民塗炭可謂極矣今天
子受大明命肇造區夏惟兩廣僻在遐荒未沾聖化予受命南

征順者撫綏逆者誅殛恐足下未悟輒先遣一介之使相告惟
足下留意焉遂航海趨廣東三月甲戌真籍所部郡縣戶口兵
馬錢糧遣使奉表迎降初湯和等平福建真遣使由海道奉表
于元遇和兵遂改其表請降且遣人回報真至是廖永忠遣人
送其使及表詣京師明帝賜詔褒之曰自元綱解紐群雄並爭
天下瓜分未見定于一者朕舉兵滌梁創業金陵除殘去暴十
有四年適者遣將四征所向克捷撫有七閩肅清齊魯廣西之
師相繼捷奏大將軍提兵北伐中原指日可定朕思昔豪傑之
士保境安民以待有德若竇融李勣據險擁兵角立于群雄之
間非真主不屈此漢唐名臣于今未見此與嘆爾真連四郡

之衆乃不勞師旅先命來降其視竇李奚讓焉今特驛召來廷
錫汝名爵以旌有德於戲天厭紛紜人思平治汝之所舉實惟
知時堅迺初心以懋厥績壬辰師至潮州真遣其都事劉克佐
詣軍門上其印章并所部圖籍四月辛丑朔永忠至廣東之東
莞縣真率其官屬迎見七月辛丑明授真江西行省參政帝諭
之曰天下分爭所謂豪傑有三易亂為治者上也保民達變識
所歸者次也負固偷安流毒生民身死不悔斯不足論矣頃者
師臨閩越卿即輸誠來歸不煩一旅之力使兵不血刃民庶安
堵可謂識時達變者矣真叩頭謝曰昔武王伐暴救民諸侯不
期而會者八百今主上除亂以安天下天命人歸四海景從臣

本蠻邦之人適者逢亂不逆結聚鄉民為保生之計寔無他志
今幸遇昆明麗天無幽不燭臣愚豈敢上違天命帝曰夫能不
賈禍于生靈者必世享其澤朕加卿惠忠誠念江西地近廣東
是用特授爾江西行省叅政以表來歸之誠古云令名德之興
也卿令名已著尚懋修厥德以輔我國家賜文綺紗羅綾絹各
百匹銀十兩將士各賜有差侍膳內禁賜宴中書初賜詔諭援
例各進繒真叩頭乞賜減于家為後世子孫榮帝可之授真中
奉大夫江西行省叅知政事蒞官之後德威並用風行霆斷人
莫敢犯尤好儒術平居讀書綴文無虛時洪武三年三月召還
遣山東行省叅政四年命還廣東收集舊將士還京真初納款

於廖永忠馳榜招諭諸寨誅邵宗愚等餘孽悉平至是收其所
部舊卒共三千五百六十人發青州衛守禦真復任山東官
年九月致仕朝朔望十三年真請以其子貴泰侍東宮即除貴
北城兵馬指揮十四年真同貴往雲南規畫餉餉開拓道路置
立驛傳積糧州以俟大軍征進及還陞山西右布政使十六年
致仕尋復命往廣東收集土豪暨所部兵士共二萬餘人還朝
拜貴明威將軍鎮南衛指揮僉事真姓潤弼最三人皆拜官軍
校餘皆授管軍百戶十七年復命真往廣東收集未至軍士聞
十月真復招集廣東舊所部兵三千四百二十三人送京師間
多道亡者請追捕之帝曰彼為久矣今復懷之宜其然也亡者

初問十八年正月起復真為浙江右布政使十九年十二月朝
京師調湖廣左布政使二十年復致仕八月壬寅封真為東莞
伯誥曰古云識時務者在乎俊傑曩者元運將終華夷鼎沸擅
聲教而殺生民朝興暮泯棲跡于世終不能知時務而識天道
尚驅民以應鋒鏑如此者豈一二人哉爾何真率領南諸郡壯
士保境全民隣敵不敢窺其隙嶺南之民莫不于爾仰賴洪武
初朕命將西征所在雖有降者非義旗臨境則未肯附爾真聞
八閩負固桂林之徒驅民海上羣生亦不量力爾真獨心悅誠
服罄嶺南諸州具表入朝非識時務者乎常在朕心未及崇祿
今特命爾為東莞伯食祿一千五百石使爾祿及世以報推

誠之心尚益加恭慎以保祿位延于永久爾真其敬哉賜錢券
賜鈔萬貫并賜第京師以其第六子宏為尚寶司丞後陞尚寶
司少卿二十一年三月己卯真卒四月乙巳朔命其子榮襲
父爵誥曰當元之季海內兵爭群雄割據不可勝數其間能識
時務而審去就者幾人哉爾何榮父東莞伯何真昔能輯衆保
有嶺南俟朕平定之秋不勞師旅即納其土地而全其民人可
謂深識時務者矣朕嘉其誠錫之封爵近且高年今終朕念不
忘今特命爾榮襲封東莞伯爾其益勵忠寔毋違前業永保祿
位以傳後人敬哉榮後以藍黨誅弟貴宏並坐罪真弟也恐禍
及衆衆作亂遁入海島旋為廣東都指揮使所執械送京師誅

之真為人豐偉美鬚髯以音如鍾少時有相者謂曰公才兼文武伯玉之能惜生南方微帶火色位不過封侯既貴顯先墓常有紫氣人指為符瑞輒斥絕之及事明祖夙夜畏帝亦推心委順勿疑故能以功名終後嗣無諫^迹遂歿命哀哉

論曰何真猶漢甯融宗錢鈐也舉義旗保鄉里乘時歸命以功名終賢於人一等矣去盜臣之稱而附于其末俾後之人知所勸焉

元季伏莽志卷之十

昭文周 昂少霞氏輯

駁辨

韓林兒傳據實錄載劉福通為呂珍所殺國初事蹟則云福通奉林兒遁于滁州庾中外史又云丙午冬與小明王俱沉于瓜州諸說當以外史為信蓋明太祖猶患遣迎者之不義而賜之死則其俱沉瓜步可更無疑矣

郭子興傳按實錄癸巳夏五月後書云彭趙二帥既據濠州挾德崖等為己用是冬早佳自稱魯淮王均用稱永義王所謂是冬者癸巳之冬也濠陽王廟碑及皇明本紀記二姓僭號俱在壬辰

奔濠之時與實錄異以高帝所紀云是年冬彭趙偕稱部下多
凌辱人所謂是年冬者亦癸巳之冬也以時執言之二姓雖草
草僭稱亦當在元兵解圍之後而不在自徐奔濠之日當以實
錄為正耳又按元史順帝紀辛卯八月蕭縣李二及老彭趙君
用攻臨徐州老彭者早住之久彭大也芝麻李既敗則彭大當
與君用俱奔濠寔錄不書彭大而書早住又書于甲午六月上
取滁陽之後云未踰月彭趙遣人邀明祖守盱眙帝辭不往未
幾三人自相吞併早住亦亡惟君用專兵柄按順帝紀又于丁
酉年書趙君用及彭大之子早住同據淮安則丁酉歲早住尚
在以理度之癸巳之夏與君用吞併而亡者乃彭大非早住寔

錄于早住既亡之後記明祖使人說君用及賂其左右以詳于
興而廟碑與天潢玉牒俱云彭趙東屯泗州挾王以往遣人詣
彭趙得縱歸則又早住不死之明證也二姓僭稱之事在壬辰
癸巳間者諸書載之甚詳而順帝紀又載于丁酉歲者蓋彭大
既亡之後早住與君用同墮行臨同據淮安君用仍僭稱永義
而早住襲其父之舊仍稱魯淮故元史又從而記之也元史稱
彭大之子早住其意甚明脩太祖寔錄者殆未及攷耳己亥歲
君用殺毛貴旋為續繼祖所殺獨早住不知其所終而丙午歲
梅思祖以淮安降明祖諭之曰汝等多故趙君用部曲往省
授重名繼歸張氏復食其祿則數年內君用等獨往淮泗間略

可斐見

按潯陽王元配張氏側室亦張氏明太祖既納側室張氏女為妃生蜀王豫王如意王及公主二則其為寵妃可知而廟祀止及其正嫡無旁及者豈太祖之嚴于禮乎

江漢通志則繫于辛卯相去凡四日實錄戊子之戰帝與遇春舟俱膠濟及間平神道碑則繫于壬戌涇江口之戰相去凡三十有五日又實錄紀辛卯之戰廖永忠等六舟深入而鉄冠子傳則云己丑戰湖中之康郎山常忠武王深入敵舟數四圍之以為不可救張曰勿憂也亥時當自出如期果然連戰輒入

辛卯己丑相去又三日以上所撰文皆出宋學士手何以與

史錯互如此

明玉珍傳明氏寔錄紀壽輝招玉珍在癸巳十一月但云壽輝都漢陽玉珍歸之誤也壽輝以壬辰春陷漢陽癸巳五月阿魯輝復漢陽乙未七月倪文俊復陷之至丙申冬壽輝方都漢陽癸巳十一月尚在蘄也玉珍之歸天完當在辰巳兩年

按元史順帝紀辛丑五月癸丑四川明玉珍陷嘉定等路李思齊遣兵擊敗之實錄本傳載在戊戌歲則相去四年矣玉珍之絕交諒稱隴蜀王在庚子歲而元史記于壬寅五月其稱帝改元在壬寅歲而元史記于癸卯正月至玉珍之攻陷雲南在癸

卯十二月而元史記于壬寅之三月其錯互不一如此蓋元史脩于洪武初年隴蜀未入職方之時而實錄則平夏之後本其載紀而存之也當以實錄為正

明代實錄載二十二年三月甲寅王珍臨雲南省治七金馬山陝西行者參知政事車力帖木兒等擊賊之擒王珍弟明二又載王珍母付其子書云爾征而務得之不得輕還等語雲南之役王珍不果行至明二被擒尤為無攷

張士寶錄載徐達帥師圍常州以張九六校而善鬪乃用計取誠傳之設伏以待命總管王均用率鐵騎為奇兵戰既合均用以騎橫衝其陣士信退走過伏馬蹶為先鋒刁國寶王虎子

則九六之見據于明在常州明甚後人以陳敬初虞山感舊
以為湖橋之戰九六被擒此岐悞之故也而皇明本紀別
破其兵于宜興湖橋擒其弟張九六則又曰湖橋而誤指為宜
興不知宜興有湖橋常熟亦有湖橋也又查開國羣雄事略云
于宋文憲臺坡後集得梁國趙武桓公神道碑云丁酉六月戊
辰取江陰秋七月丙子攻常熟張士誠出柁戰公麾兵而進士
德就縛士德士誠之弟也遂征望亭無錫甘露諸寨以武桓之
碑觀則墓之詩為有徵矣文憲身任國史奉詔撰碑士德之就
擒開國之大事也安得無所據而輕以武寧之功狀移于武
桓碑于士德就縛之下又曰士德士誠之弟也其屬詞慎重似

有意欲臨通証明之者詳考諸書則實錄之誤誠不可得而掩矣實錄七月擒張九六十月士誠以弟被擒遣孫君壽請和願歲輸糧二十万石黃金五百兩白金三百斤劉辰初事蹟以為士誠母痛其子故也然士誠既已失弟而懼其母又以痛子而請和士誠之遺書何以了不置喙也皇帝之復書則曰攻圍常州生擒張湯二將尚以禮待未忍加誅爾所獲詹李乃吾偏裨無益成敗張湯二將爾左右手也爾宜三思明既擒士誠復其謀主何以匿而不言但及張湯二將耶其誤一也元史乃申七月士誠兵臨杭州楊完者擊走之陶九成輟耕錄紀杭之役士德與王與敬偕往以諸書互攷則士德臨杭州在

其敗歸平江當在八月安得有常州被擒之事其誤二也元

順帝紀及達識貼睦通傳張士誠為書請降達識貼睦通

令周伯琦招諭之詔以士誠為太尉士德為淮南行省平章正

事時士德已為明兵所擒此丁酉八月事也若士德丙申七月

就擒則去士誠納款已一載餘矣安得有平章政事之授耶又

按達識貼睦通傳元授士德淮南行省政事士信同知行樞密

院事士德尋為明師所擒則其事在旬月間矣元史甚為明白

其悞三也士德以好賢下士創造伯業如王逢楊維禎陳基者

頌慕之詞久而不替不獨如陳基輩流召致館下者也假令以

三月入吳七月就縛其居吳不及半載又提兵往來三郡無須

史之暇士德雖有逆人之略何以能深得士心者以其悞四也
王逢梧溪集云今太尉開藩之三月命部將王左丞戍書使踵
海上招至吳中以予避地無錫說戍初張楚公歸元握淮甯都
事不辭不就他年逢遊崑山懷舊傷今之詩亦云桓桓張楚事
挺生海陵鄒元珠從僊社白馬飲浙水三年車輒南北向復同
軌量容甘公說情厚移生醴誓擊祖逖并克折孫策蓋天王詔
褒贈守將廟祠士誠之歸元其謀皆出于士德逢以元之遺
老與有謀焉今丙申之秋士德已為僞虜逢雖欲緩頰何以自
效其悞五也元史記丁酉歲士誠屢為楊完者所敗然後
士德之被擒在七月而元之招諭在八月則士德被擒時歸

之事已定矣寔錄謂我欲留士德以誘士誠士德間遺書

俾降元以謀我故誅之國史既誤紀士德被擒于前而不

其主謀降元之事故曲為之解非事實也其悞六也由此言之

則士德被擒之事斷以趙武桓碑為正而實錄之悞為無疑也

又考天潢玉牒云丁酉六月取江陰州攻常熟獲張士誠弟士

德以歸皇明本紀云明年復破其兵于宜興湖橋擒其弟九六

竝獲其戰舡馬匹皆與武桓碑相合湖橋在虞山西北通福山

港為舟師入江要地故士德被擒于此基由琴川次福山港舟

中望虞山至今可想見其處本紀曰宜興傳寫之悞也又考寔

錄丁酉七月丁丑徐達兵徇宜興取常熟擊張士誠兵敗之獲

馬五十匹舟三十艘降其兵甚衆武桓碑記攻常熟在丙子實
錄紀在丁丑相去僅一日固知即此一役也云徐達兵取常熟
而不言武桓者武桓方以領軍先鋒聽大將軍調遣常熟之兵
亦聽武寧調遣遂沒而不書獨于取常熟下脫士德就縛之事
則以丙申悞紀于前故也然此事所以傳譌者蓋亦有故丙申
七月既擒張湯二將軍十一月又擒其梟將張德用兵之際羽
書交馳奏報錯互流傳即明太祖製碑之日亦止据一時之功
狀書之未及是正耳平吳錄載士德援常州被擒在丁酉三月
尤為無怗其他紀載紛如又不足道也蘇伯衡撰明威將軍
瑛墓誌云覆南徐擄毘陵擊常熟擒張士德亦常熟擒張

之一證也明史葉中山王傳云取宜興攻常熟士誠弟
戰為趙普勝然則士德之就擒定在常熟不在常州而誤
士德擒于常州者蓋常州之役初擒張湯二將繼又擒張德
張德誤為士德遂誤常熟為常州耳

方谷珍傳方行字明敏舊載吳興戰守時行拒明師不利退守札溪
題怪石落花一聯于石壁自到矣而其後又載其徙濠有詩戍
渚有詩則明敏固鑒之未曾死也然則自刎于札溪者誰哉

附原書紙簽

〔一〕

論曰元失其馭天下洶急亂而初發難者韓林光實戎者也一重
臣子而諸賊奉之為主斬木揭竿遂傾元社職忠而爵微賈魯
之浚河不至此嗟乎秦之亡也以築阿房天下有變不自
後速之可畏哉

〔二〕

故曰紅巾倡亂死于之臣若褚不華述律杰皆卓卓人傑也王英
死祝而後起死而為靈其信然矣

〔三〕

從校住討賊者四川
行省泰政客夫八都
魯也是年貢答夫
八都魯到別門魯
兵起襄陽與賊戰
大破之賊賊中十方
官軍止三千遂用
朱廷傑招夏襄
陽官軍及土寨得
義兵三千人編排
部伍敗賊于密河
近至襄陽城南
大戰擒賊偽將三
十人賊閉門不復
出乃相視形勢內

〔四〕

論曰知善勝其惡道
之流聖教與友誼並行
民而觀顏事之斯積賊
也敵吾祥審所去就保
境安民非悅重乎可比嗟
乎倪之從之八明王珍之
福也充之文俊王珍珍
俱何正哉

〔五〕

吳達。元末杭州西湖
隱居相與游者十人達遂
生達時王珍據川蜀命
達官讓二女為既而向
立為后擇退還乃校
池中元達亦亦持。
此出留青日札探王珍
后彭氏昇后王氏無所
謂而代后大約續記之
列耳
浣花堂。成都人有子良
者能造薛濤堂工巧過
之王珍建揚錦亭于浣
花堂置宴與公子良領
其事名曰浣花堂

列八翼包絡襄
城外置八營軍
現山楚山以蔽
其後因以中軍
四千據虎頭山
以據城中城中
諸城為內應城
破偽守王構領
千騎西走遇伏
兵被擒

襄陽遂平

陳基

其家初二年庚子

原籍臨海小丹王

之龍其仁其結小丹

其德其能為之其其

其亦非能所極願仲

瑛軒前後交友詩為

玉山禮集初敢仲以下

即次以教初謂同輩

極力追之不及其惜

時月旦云然其從士

信分領淮安王達以

恩賜姓陳其時其

本係依依擬擬其

其書其長淮其飲

其烟消清野其不

其力其初其其其

事非若使范增能少

用有教訓表夫相

依風雲天上澤無

定辭威人問不其其

其夢已其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

論日世之治也

賢奸錯列當

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

汪通法

通法為士誠九時

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

其其其其其其其其

大簡云。第所深
厭于漏道。皆人言。

影皆奉。是從傳。如馬
陳。從事。每會。有。此。

杜。拾遺。大地。風。塵。漫。
未。解。局。弄。江海。去。

無。期。源。大。府。叫。美。卷。
鼓。許。奏。軍。中。鼓。吹。

韓。俊。敬。初。死。九。雲。
山。人。

以。詩。哭。之。云。白。髮。江。
湖。一。病。身。早。生。病。力。牽。

斯。是。所。謂。傳。此。今。猶。几。
落。回。身。才。獨。數。尼。

共。愛。詞。華。連。貴。室。
肯。將。士。富。軍。機。密。

生。解。不。到。黃。樓。亦。
目。極。西。湖。看。勝。

人。漸。後。代。詩。云。中。年。預。

聖。賢。世。云。澤。世。明。如。前。

論曰劉庸馬
克讓堂于方
不得不出於方
張本仁亦庸
流亞也而本仁
死而庸得統
其書不幸有
歟耶

論曰周誠德趙
觀先潘伯修皆
忠義士也見
危授命誓死
不顧有古烈士
夫風馬托琴
奴子也役主而
死豈不亦人傑
哉

論曰邱楠詹昂
明祖宥其罪而
用其才而劉仁
本至罹酷刑以
死文采風流士
類所為寒心毀
往之報其信然
耶

論曰易曰君子見
衆而作不俟終
日周必達有焉
丁鶴年潛身
遠宮避網羅
也乃其至性
則尤不可及矣